



# Lykilupplýsingaskjal - Frjálsi 3

## Tilgangur

Skjal þetta veitir þér lykilupplýsingar um þessa fjárfestingaráfurð. Það er ekki markaðsefni. Upplýsingagjöfin er lögbundin og í þeim tilgangi að hjálpa þér að skilja eðli, áhættu, kostnað, hugsanlegan ávinnung og tap af afurðinni og hjálpa þér að bera hana saman við aðrar afurðir.

## Afurð

### Frjálsi 3

Frjálsi lífeyrissjóðurinn kt. 600978-0129.

📞 +354 444 6090

✉️ frjalsi@frjalsi.is

🌐 [www.frjalsi.is](http://www.frjalsi.is)

Frjálsi lífeyrissjóðurinn hefur starfsleyfi skv. lögum nr. 129/1997 og heyrir undir eftirlit Fjármálaeftirlitsins.

Lykilupplýsingar þessar miðast við 31. desember 2023.

**Pú ert við það að gera samning um afurð sem er ekki einföld og erfitt gæti verið að skilja.**

## Hvers konar afurð er þetta?

### Tegund


Leiðin er ein fjögurra fjárfestingarleiða Frjálsa lífeyrissjóðsins. Leiðin er hluti af Ævilínu sjóðsins sem gengur út á það að inneign sjóðfélaga er flutt á milli Frjálsa 1 og Frjálsa 2 við ákveðinn aldur og svo í Frjálsa 3 við útgreiðslu. Þannig er lögð áhersla á hærri ávöxtun á yngri árum en minni áhættu eftir því sem árin færast yfir og styttist í útgreiðslu.

### Markmið

Grunnmarkmið Frjálsa er að veita viðbótartryggingavernd með því að taka við lífeyrissjóðlum sjóðfélaga og ávaxta þau í samræmi við fyrirfram ákveðna fjárfestingarstefnu. Í Frjálsa 3 er lögð áhersla á jafna ávöxtun með því að fjárfesta einkum í skuldabréfum. Skammtímasveiflur í ávöxtun eru ekki miklar. Fjárfest er sameiginlega fyrir iðgjöld allra sjóðfélaga leiðarinnar. Hver og eimn sjóðfélagi á þannig hlutdeild í öllum eignum leiðarinnar. Ávöxtun ræðst af markaðsverði eigna og er birt að frádegnum þeim kostnaði sem sjóðurinn ber, skv. töflu á bls. 3. Lögð er áhersla á ábyrgar fjárfestingar með samfélagslega ábyrgð að leiðarljósi.

### Stefna um eignasamsetningu

Myndin hér að neðan sýnir stefnu um eignasamsetningu leiðarinnar m.v. 1. janúar 2024. Stefnan er endurskoðuð árlega með hliðsjón af þróun sjóðsins og verðbréfamarkaða. Hafa skal í huga að eignasamsetning leiðarinnar getur tekið breytingum yfir árið en þó innan þeirra vikmarka sem skilgreind eru í fjárfestingarstefnu leiðarinnar.



### Fyrir hvern?

Leiðin Frjálsi 3 er ætluð sjóðfélögum í Ævilínu sem hafa hafið útgreiðslu og öðrum þeim sem leggja áherslu á jafna ávöxtun og þola illa skammtímasveiflur í ávöxtun. Byggist það viðmið á stefnu um eignasamsetningu leiðarinnar. Þrátt fyrir ofangreint viðmið er öllum frjálst að velja þessa leið óháð aldri. Við val að fjárfestingarleið er m.a. ráðlegt að huga að því hve langt er í útgreiðslu, hver eignastaða sjóðfélaga er og viðhorf til áhættu. Ekki er hægt að segja til um hvaða fjárfestingarleið muni skila hæstu ávöxtun þegar horft er til framtíðar. Þó er almennt talið að hlutabréf ættu að gefa hærri ávöxtun til lengri tíma en skuldabréf og innlán. Ráðlegt þykir að draga úr áhættu í fjárfestingum eftir því sem sjóðfélagi eldist.

### Líftími afurðar

Líftími inneignar í leiðinni er breytilegur en tímasetning útgreiðslu og flutningur inneignar hefur áhrif á líftímann. Hægt er að fá inneign útgreidda við ýmsar aðstæður, nánar í kaflanum „Hve lengi á ég að fjárfesta og get ég tekið fé út snemma?“ Flutningur inneignar milli fjárfestingarleiða sjóðsins hefur áhrif á líftíma. Hafi sjóðfélagi t.d. valið Ævilínu þá ávaxtast inneign hans í Frjálsa 3 frá því að útgreiðslur hefjast og þar til þeim lýkur. Flutningur inneignar milli sjóða/vörsluaðila sem oft á sér stað samhliða uppsögn hefur sömuleiðis áhrif. Uppsögn veitir ekki rétt til útgreiðslu og hefur því ein og sér ekki áhrif á líftíma.

## Hverjar eru áhætturnar og hvaða ávöxtun gæti ég fengið?

### Áhættumælikvarðinn og helstu takmarkanir hans



#### Samantekinn áhættuvísir

Samantekinn áhættuvísir er staðlaður áhættumælikvarði fyrir almenna fjárfesta og tekur tillit til markaðsáhættu og eftir atvikum mótaðilaáhættu útgefanda. Í tilviki sjóða með marga undirliggjandi útgefendur og daglegt gengi er litið svo á að mótaðilaáhætta endurspeglist í markaðssveiflum. Í þessari leið er markaðsáhætta því ráðandi. Markaðsáhætta er metin út frá sveiflum í daglegu gengi sl. 5 ár og sett fram sem raðnúmer frá 1 upp í 7 þar sem 1 gefur til kynna minnstu sveiflur en 7 mestar sveiflur. Samantekinn áhættuvísir tekur ekki til annarra áhættuþáttu en þeirra sem hér hafa verið taldir upp, s.s. áhættu vegna verðbólgu eða lagaumhverfis. Enn fremur er ekki víst að markaðssveiflur í fortíð endurspegli markaðssveiflur í framtíð þrátt fyrir sambærilega fjárfestingarstefnu. Inneign er einungis laus til útgreiðslu skv. því sem fram kemur í kaflanum „Hvenær losnar innstæðan?“ Frjálsi 3 er í flokki 2 á áhættumælikvarðanum. Skammtímasveiflur í ávöxtun eru ekki miklar og vænt ávöxtun til lengr tíma heldur lægri en í áhættumeiri leiðum.

### Sviðsmyndir um vænta nafnávöxtun og forsendar þeirra

| Mánaðarlegt heildariðgjald: 30.000 kr. miðað við 500.000 kr. í mánaðarlaun, 4% iðgjald og 2% mótframlag. |                               |         |           |           |
|----------------------------------------------------------------------------------------------------------|-------------------------------|---------|-----------|-----------|
| Sviðsmyndir                                                                                              |                               | 1 ár    | 5 ár      | 10 ár     |
| Álagssviðsmynd                                                                                           | Möguleg inneign eftir kostnað | 346.196 | 1.740.642 | 3.431.737 |
|                                                                                                          | Meðal ársávöxtun              | -8,24%  | -1,36%    | -0,97%    |
| Óhagstæð niðurstaða                                                                                      | Möguleg inneign eftir kostnað | 365.633 | 2.012.290 | 4.587.987 |
|                                                                                                          | Meðal ársávöxtun              | 3,43%   | 4,55%     | 4,82%     |
| Vænt niðurstaða                                                                                          | Möguleg inneign eftir kostnað | 368.960 | 2.057.622 | 4.741.928 |
|                                                                                                          | Meðal ársávöxtun              | 5,48%   | 5,47%     | 5,46%     |
| Hagstæð niðurstaða                                                                                       | Möguleg inneign eftir kostnað | 372.211 | 2.103.566 | 4.900.737 |
|                                                                                                          | Meðal ársávöxtun              | 7,50%   | 6,37%     | 6,11%     |
| Uppsofnuð iðgjöld án ávöxtunar                                                                           |                               | 360.000 | 1.800.000 | 3.600.000 |

Sviðsmyndirnar taka ekki tillit til verðbólgu þar sem um nafnávöxtun er að ræða. Hafa skal í huga að áherslubreytingar yfirvalda þ.m.t. breytingar á skattalöggjöf heimarlíkis geta haft áhrif á raunverulega útgreiðslu og skattalega stöðu fjárfestis. Við útgreiðslu er greiddur tekjuskattur í samræmi við þau skattalög sem gilda á hverjum tíma.

### Yfirlit yfir sögulega ávöxtun Frjálsa 3 m.v. 31.12.2023.

|             | Sl. 12 mán | 2022  | 2021 | 2020 | 2019 | 2018 | 2017 | Sl. 5 ár | Sl. 10 ár | Sl. 15 ár |
|-------------|------------|-------|------|------|------|------|------|----------|-----------|-----------|
| Nafnávöxtun | 5,9%       | 0,7%  | 7,4% | 7,4% | 6,2% | 7,1% | 6,7% | 5,5%     | 5,4%      | 6,5%      |
| Raunávöxtun | -2,0%      | -7,9% | 2,5% | 3,8% | 3,4% | 3,7% | 4,9% | -0,1%    | 1,5%      | 2,2%      |

Mikilvægt er að gera sér grein fyrir því að ávöxtun í framtíð gefur ekki áreiðanlega vísbindingu um ávöxtun í framtíð. Við útreikning er tekið tillit til gjalda og þóknana. Árangur sjóðsins er reiknaður í íslenskum krónum.

### Hvað gerist ef Frjálsi lífeyrissjóðurinn getur ekki greitt út úr Frjálsa 3?

Ef Frjálsi lífeyrissjóðurinn getur ekki greitt út úr Frjálsa 3 getur sjóðfélagi orðið fyrir fjárhagslegu tapi. Inneign sjóðfélaga í Frjálsa 3 nýtur ekki tryggingarverndar af hálfu Tryggingarsjóðs innstæðueigenda og fjárfesta eða annarra lögbundinna tryggingakerfa.

## Hver er kostnaðurinn?

Mánaðarlegt heildariðgjald: 30.000 kr. miðað við 500.000 kr. í mánaðarlaun, 4% iðgjald og 2% mótfamlag.

| Kostnaðarsviðsmyndir                                                      | 1 ár                                                                                      | 5 ár           | 10 ár                                                                                                                                                                                                                                               |
|---------------------------------------------------------------------------|-------------------------------------------------------------------------------------------|----------------|-----------------------------------------------------------------------------------------------------------------------------------------------------------------------------------------------------------------------------------------------------|
| Heildarkostnaður                                                          | 421 kr                                                                                    | 13.086 kr      | 63.661 kr                                                                                                                                                                                                                                           |
| Áhrif árlega ávöxtun                                                      | 0,26%                                                                                     | 0,26%          | 0,26%                                                                                                                                                                                                                                               |
| Eftirfarandi kostnaður er fastur og hefur því ekki áhrif árlega ávöxtun.  |                                                                                           |                |                                                                                                                                                                                                                                                     |
| Einskiptis kostnaður                                                      | Flutningskostnaður milli fjárfest-<br>ingarleiða Frjálsa<br>Flutningskostnaður úr Frjálsa | 0%<br>5.000 kr | Kostnaðurinn sem fylgir því að flytja inneign úr Frjálsa í<br>aðra sambærilega fjárfestingarsjóði.                                                                                                                                                  |
| Eftirfarandi hlutföll sýna áhrif mismunandi kostnaðarliða árlega ávöxtun. |                                                                                           |                |                                                                                                                                                                                                                                                     |
|                                                                           | Kaup- og söluþóknanir vegna<br>verðbréfaviðskipta                                         | 0,01%          | Kostnaður sem fellur til þegar eign er keypt eða seld.                                                                                                                                                                                              |
|                                                                           | Vörsluþóknun                                                                              | 0,01%          | Vörsluþóknun er reiknuð á stöðu safna á hverjum degi.<br>Vörsluþóknun er keyrð á vörslusöfn um hver mánaðamót.<br>Lágmarksþóknun er reiknuð út á 3 ja mánaða fresti.<br>Vörsluþóknun er gjaldfærð á vörslusöfn árlega.                              |
| Endurtekinn kostnaður                                                     | Umsýsluþóknun til rekstraraðila                                                           | 0,17%          | Beinar umsýsluþóknanir til að greiða kostnað við rekstur<br>fjárfestingarleiðarinnar.                                                                                                                                                               |
|                                                                           | Áætluð og reiknuð óbein fjárfest-<br>ingargjöld                                           | 0,02%          | Fjárfestingakostnaður er breytilegur eftir eignum og eigna-<br>flokkum og þar með er uppgefið kostnaðarhlutfall breyti-<br>legt eftir eignasamsetningu sjóðsins. Sjá má fjárfestingar-<br>kostnað hvers eignaflokks í fjárfestingarstefnu sjóðsins. |
|                                                                           | Annar rekstrarkostnaður                                                                   | 0,03%          | Annar tilfallandi kostnaður sem er nauðsynlegur við<br>rekstur fjárfestingarleiðarinnar.                                                                                                                                                            |

Kostnaðarhlutföll byggjast á útreikningi síðasta endurskoða ársreiknings. Hafa skal í huga að kostnaður á það til að breytast lítillega frá ári til árs. Sviðsmyndir heildarkostnaðar taka tillit til alls endurtekins kostnaðar.

## Hve lengi á ég að fjárfesta og get ég tekið fé út snemma?

### Hvenær losnar innistæðan?

Almennt getur inneignin orðið laus vegna aldurs, örorku eða andlats sjóðfélaga, byggt á 11. gr. laga nr. 129/1997, um skyldutryggingu lífeyrisréttinda og starfsemi lífeyrissjóða. Frá 60 ára aldri er inneign laus til útgreiðslu, ásamt vöxtum, þó ekki fyrr en tveimur árum eftir greiðslu fyrsta iðgjalds. Við 10% örorku eða meira getur sjóðfélagi óskað eftir útgreiðslu, þó ekki fyrr en tveimur árum eftir greiðslu fyrsta iðgjalds og skulu greiðslur að lágmarki dreifast jafnt á sjö ár vegna 100% örorku. Deyi rétthafi áður en innstæða er að fullu greidd út fellur hún til erfingja hans og skiptist milli þeirra eftir reglum erfðalaga. Láti rétthafi ekki eftir sig maka eða barn rennur innistæðan til dánarbúsins og gildir þá ekki takmörkunin í 2. málsl. 2. mgr. 8. gr. laga nr. 129/1997. Auk þessa er hægt að ráðstafa viðbótariðgjöldum skattfriðstegna íbúðakaupa, að ákveðnum skilyrðum uppfylltum. Skattfriðsu úrræðin eru tvö þ.e. „tíu ára úrræðið vegna kaupa á fyrstu íbúð“ og „almenna úrræðið til annarra íbúðakaupa“. Í úrræðunum er hægt að óska eftir eingreiðslu húsnæðissparnaðar við kaup á íbúðarhúsnæði og reglulegri ráðstöfun inn á lán. Nánar á vef [RSK](#). Áhrif skammtímasveiflna geta aukist ef inneign er innleyst af öðrum ástæðum en aldri, vegna breytinga á áætluðum líftíma. Viðbótarkostnaður vegna þessara úrræða er enginn.

### Uppsagnartími

Hægt að segja upp samningi um viðbótarsparnað með tveggja mánaða fyrirvara. Uppsögn skal vera skrifleg og undirrituð af sjóðfélaga. Upp- sögn veitir ekki rétt til útgreiðslu inneignar. Frjálsi lífeyrissjóðurinn getur ekki sagt upp samningi við sjóðfélaga.

### Umþóttunartími

Undirritun sjóðfélaga á samningnum skuldbindur hann ekki fyrr en fjórtán dögum frá gerð samnings. Þetta kallast umþóttunartími og er sjóðfélaga heimilt að falla frá samningi innan þess frests.

## Hvernig ber ég fram kvörtun

Hægt er að bera fram kvörtun til Frjálsa lífeyrissjóðsins í gegnum síma og tölvupóst:

+354 444 6090  
frjalsi@frjalsi.is

## Aðrar upplýsingar sem skipta máli

Hægt er að nálgast allar helstu upplýsingar um útgreiðslur og fleira á [www.frjalsi.is](http://www.frjalsi.is).